

ODLUKU
o izmjenama i dopuni Odluke o uspostavi
Registra izabranih i imenovanih lica i
rukovodećih državnih službenika u
Unsko-sanskom kantonu

Član 1.

U Odluci o uspostavi Registra izabranih i imenovanih lica i rukovodećih državnih službenika u Unsko-sanskom kantonu („Službeni glasnik Unsko-sanskog kantona“, broj: 22/24 i 24/25), član 2. mijenja se i glasi:

„Član 2.

(Primjena Odluke)

- (1) U smislu člana 2. tačka e) Zakona o prevenciji korupcije u Unsko-sanskom kantonu ova Odluka primjenjuje se na organe državne službe, javna preduzeća, javne ustanove, agencije, fondove, zavode i druge pravne subjekte koji vrše javna ovlaštenja i čiji je osnivač Unsko-sanski kanton, grad ili općina na teritoriji Unsko-sanskog kantona ili u kojima Unsko-sanski kanton, grad ili općina na području Kantona učestvuju sa više od 50% ukupnog kapitala i ima svojstvo pravnog lica isključujući pravosudne institucije (u daljnjem tekstu: Institucije).
- (2) U Registar se evidentiraju podaci o imenovanim i izabranim licima koja obavljaju sljedeće javne funkcije u institucijama i to:
- a) poslanici/zastupnici u Skupštini Unsko-sanskog kantona, vijećnici u gradskim vijećima gradova i vijećnici u općinskim vijećima općina na teritoriji Unsko-sanskog kantona,
 - b) premijer Unsko-sanskog kantona i članovi Vlade Unsko-sanskog kantona, gradonačelnici gradova i općinski načelnici općina na teritoriji Unsko-sanskog kantona,
 - c) direktori, izvršni direktori, pomoćnici direktora, zamjenici direktora i druga lica koja su imenovana na osnovu zakona, osnivačkog akta i drugog pravnog propisa i ovlaštena za predstavljanje i zastupanje agencija, fondova, javnih preduzeća i javnih ustanova i institucija čiji je osnivač Kanton ili

grad/općina, predsjednik i članovi skupština, upravnih i nadzornih odbora, nezavisnog odbora, odbora za reviziju, školskih odbora i drugih upravljačkih struktura direkcija, zavoda, javnih ustanova, javnih preduzeća i drugih institucija u Kantonu koji su izabrani i imenovani ili je za njihov izbor ili imenovanje data saglasnost zakonodavnog organa Kantona ili gradskih / općinskih vijeća ili Vlade Kantona,

d) druga lica koja su izabrana ili imenovana ili je za njihov izbor ili imenovanje data saglasnost od strane skupštine, gradskog vijeća, općinskog vijeća, Vlade, gradonačelnika ili načelnika,

e) vršioci dužnosti prethodno pobrojanih javnih funkcija i savjetnici prethodno pobrojanih nosioca javnih funkcija u Unsko-sanskom kantonu koji se imenuju po lex specialis propisima,

f) predsjednik, članovi i sekretar svih komisija, savjeta i drugih imenovanih radnih tijela i radnih tijela koja obrazuje Skupština Unsko-sanskog kantona, Vlada Unsko-sanskog kantona, ministarstva i institucije iz stava (1) ovog člana, a za koje je predviđena naknada za rad,

g) predsjednik, članovi i sekretar komisija za javne nabavke, komisija za provođenje konkursnih procedura za prijem radnika u radni odnos na određeno i neodređeno vrijeme, komisija za dodjelu novčanih sredstava fizičkim ili pravnim licima i komisija za razmatranje izvještaja o utrošku dodijeljenih novčanih sredstava fizičkim ili pravnim licima, bez obzira da li se za rad u tim komisijama ostvaruje pravo na naknadu.

- (3) U Registar se evidentiraju podaci o rukovodećim državnim službenicima postavljenim na radna mjesta iz člana 11. stav (1) tačka a) Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj: 14/17, 15/20 i 27/25).“

Član 2.

Član 3. mijenja se i glasi:

„Član 3.

(Svrha i pravni osnov obrade podataka)

- (1) Registar se uspostavlja u svrhu koja je utvrđena Zakonom o prevenciji korupcije u Unsko-sanskom kantonu (u daljnjem tekstu: Zakon), a odnosi se na: unapređenje transparentnosti i odgovornosti u radu institucija, uspostavu i vođenje Registra u okviru jedinstvenog informacionog antikoruptivnog sistema, sistemsku prevenciju i borbu protiv korupcije u institucijama Unsko-sanskog kantona.
- (2) E - Registar služi kao jedinstvena evidencija podataka o imenovanim i izabranim licima u institucijama koja obnašaju javne funkcije i rukovodećim državnim službenicima u Unsko-sanskom kantonu (u daljnjem tekstu: Lica).
- (3) Obrada ličnih podataka vrši se na osnovu zakonske obaveze i u javnom interesu, u skladu sa Zakonom i Zakonom o zaštiti ličnih podataka Bosne i Hercegovine („Službeni glasnik Bosne i Hercegovine”, broj 12/25).
- (4) Podaci se obrađuju isključivo u obimu koji je nužan i srazmjeran svrsi iz stava (1) ovog člana.“

Član 3.

U članu 5. stav (1) mijenja se i glasi:

„(1) Sve institucije dostavljaju Uredu radi unosa (evidentiranja) u Registar sljedeće podatke o imenovanim i izabranim licima:

- a) ime i prezime,
- b) funkcija imenovanja,
- c) naziv i sjedište institucije u koju je izvršeno imenovanje,
- d) datum početka i završetka obnašanja funkcije,
- e) da li je predviđena naknada, iznos naknade, vrsta naknade,
- f) naziv poslodavca, naziv radnog mjesta kod poslodavca kod kojeg je lice zaposleno,
- g) stručna sprema lica, status i struktura vlasništva pravnog lica u kojem je zaposleno,
- h) saglasnost rukovodioca za imenovanje,
- i) ukupan broj funkcija na koje je lice imenovano i

j) izjava o nepostojanju sukobu interesa.

U članu 5. iza stava (1) dodaje se novi stav (2) koji glasi:

„(2) Zabranjeno je unošenje podataka koji nisu nužni za ostvarenje svrhe Registra iz člana 3. stav (1) ove Odluke.“

Dosadašnji stavovi (2) i (3) postaju stavovi (3) i (4).

Član 4.

U članu 6. stav (7) mijenja se i glasi:

„(7) Institucije dostavljaju Uredu akte iz člana 5. stav (1) tačke h) i j).“

Član 5.

Član 12. mijenja se i glasi:

„Član 12.

(Mjere zaštite)

- (1) Ured i Institucije dužni su osigurati tehničke i organizacione mjere zaštite ličnih podataka.
- (2) Svaki pristup, unos ili izmjena podataka evidentira se putem korisničkog portala koji nije javno dostupan i koji sadrži vlastiti evidencijski zapis („log file“), odnosno osigurava čuvanje i praćenje svih aktivnosti na portalu.
- (3) Tehničkim uputstvom za unos podataka u e-registre Ureda koji je objavljen putem informacionog sistema Ureda, uređeni su tehnički, organizacioni i operativni postupci unosa, obrade, čuvanja, pristupa i upravljanja podacima u e-registrima koji se uspostavljaju i vode u okviru jedinstvenog informacionog antikoruptivnog sistema Ureda.“

Član 6.

(Stupanje na snagu)

Ova Odluka stupa na snagu danom donošenja i objaviće se u „Službenom glasniku Unsko-sanskog kantona“.

Broj: 03-02-44-666/2026
29. maja 2026. godine
Bihać

PREMIJER KANTONA
mr. sci. Mustafa Ružnić